



~~JJ. 2. 22.~~

SEU. 2..

B 791

FROM  
THE LIBRARY  
OF

SIR WILLIAM OSLER, BART.


OXFORD

6607

BOURGEOIS [or BOURSIER] (LOUISE) 1563-1636.


6607. Remonstrance à Madame Bourcier, touchant son Apologie, contre le Rapport que les Medecins ont fait, de ce qui a causé la mort deplorable de Madame. sm. 8°. (*Par., chez I. Iacquin, 1627.*)

The famous midwife, in a defence of her management of this case of a duchess of Orleans, had cast reflections on the physicians. Their 'Rapport' and her 'Apologie', 1627, are tr. in no. 6609. This anon. 'Remonstrance' is doubtfully attributed to Charles Guillemeau (1588-1656).



1

8



*Remonstrance à Madame Bourcier, touchant son Apologie, contre le Rapport que les Medecins ont fait, de ce qui a causé la mort déplorable de MADAME.*

**B**'Aduouë, Madame Bourcier, que la raison pour laquelle vous avez publié vostre Apologie est extrêmement puissante. Car si vous estiez si malheureuse que de vous trouuer en quelque façon que ce peult estre, coupable de la mort de ceste grande Princesse, la plus rigoureuse mort qu'on vous pourroit faire souffrir, seroit trop douce pour vous punir. Mais ie suis contraint de vous dire, que vous deuez mieux examiner vos actions, que vous n'avez fait, & aussi le rapport de Messieurs les Medecins, avec l'estat déplorable auquel toute la France se trouue par la grande perte qu'elle vient de faire en la mort de ceste excellente Princesse, plustost que de mettre en public tout ce que vous avez iugé propre, pour vous excuser de ceste grande & irreparable faute, & en accuser Messieurs les Medecins qui en ont fait le Rapport. Car si vous eussiez bien examiné vos deportemens sur ce déplorable subiet, vous n'auriez publié que des regrets & des larmes: Et si vous eussiez meurement considéré le Rap-

A

port desdits Medecins & le iuste desplaisir que  
tous les bons François ont de la grande perte  
qu'ils viennent de faire par ceste mort, Vous au-  
riez plustost passé tout le reste de vostre vie sans  
parler, que d'aduoier comme vous faites ( en  
pensant accuser les Medecins d'inaduertance)  
que ceste grande Princesse n'a pas esté si bien se-  
couruë comme elle le debuoit estre. Car vous  
auriez iugé qu'à cest aduen le ciel & la terre au-  
roient iuste subiect de se leuer contre ceux qui  
se trouueroient coupables d'une si enorme &  
si pernicieuse faute & de les accabler & abismer  
entièrement.

Considérez ces choses, M. Bourcier, & con-  
tenez vous dans les bornes de vostre debuoir, ne  
vous meslez plus de reprendre les Docteurs: Car  
vous n'estes point responsable de leurs actions  
ny capable d'en iuger. Les malheurs qui vous  
sont arriuez trop souuent en l'exercice de vo-  
stre vacation & mesme ce dernier qui est du  
tout déplorable tesmoignent assez vostre suffi-  
sance, sans que vous preniez la peine de l'escri-  
re: contentez-vous de nous l'auoir demonstrée  
à nostre grand dommage, & ne la publiez pas  
aux Prouinces estrangeres: Car vous ne le scau-  
riez faire sans offencer tous ceux de vostre pa-  
trie qui vous peuuent auoir en quelque bonne  
estime. Ne vous glorifiez point du nom de Sage

femme, ou faictes-en les actions. Preuoyez ce qu'on peut tirer de vostre presumption & de vos escrits, & ne parlez plus si superbement contre les hommes qui sont plus experimentez & plus heureux que vous en la professiõ que vous faites, si ne uoulez estre blasmee de tout le monde, qui void par le succez de vos affaires & de celles de celuy que vous vous meslez de blâmer, tout le contraire de ce que vous dites.

Le me trouuay hier en vn lieu où l'on parloit à l'homme que vous haïssiez sans sujet, du Rapport de Messieurs les Medecins, on luy demanda son opinion touchant ce Rapport & vostre Apologie, & le pressa-t'on si fort de nous la donner qu'en fin il nous dict ce qui s'ensuit.

Messieurs, c'est vne chose du tout extraordinaire de voir qu'une Sage femme se mesle de reprendre les Docteurs en Medecine & rathe de leur prouuer par les bons Autheurs Medecins & Chirurgiens qu'ils sont ignorans en la science qu'ils professent, & mesmes au Rapport qu'ils ont fait sur les causes de la mort de feuë Madame, qui est vne des actions plus notables qu'ils pourroient iamais faire, & en laquelle ils doibuent auoir eu vne plus grande attention & vn plus grand iugement pour s'acquitter de leur charge en bonne conscience. Neantmoins cela est practiqué par Madame Bourcier, & à mon aduis

assez imprudemment. Car les Messieurs qui ont fait ce Rapport qui sont dix en nombre, sont hommes fort experimentez en toutes les parties de la Medecine & nommément en Anatomie, Chirurgie & Pharmacie, & n'ont rien conclu touchant la vraye cause de la mort de MADAME. De façon que ceste femme n'a pas beaucoup de raison de s'en prendre à eux. Mais quoy elle veut faire voir qu'elle a leu & releu Galien, Hippocrate, Aquapendente & autres bons Auteurs, & qu'elle a dequoy les interpreter & commenter, & non seulement cela: mais qu'elle a dequoy enseigner les plus doctes Medecins, & qu'ils doibuent aller à son eschole à l'imitation d'Hippocrate qui alloit à l'eschole des Sages-fèmes telles qu'elle s'estime estre.

Elle se plaint de ce que ces Messieurs l'accusent d'auoir laissé vne portion de l'arriere-faix dans la matrice, & dict que cela n'est point, & a quelque raison de dire qu'encor que cela fut comme ils le disent que cela seul ne scauroit auoir causé la gangrene, & que si elle l'auoit fait, la gangrene se seroit plustost mise au lieu où ceste portio de chair s'est trouuée attachée en la matrice, qu'a l'autre costé; où ces Messieurs disent l'auoir trouuée. Car outre ce qu'elle allegue de Paul Æginette & de ce grand Anatomiste Aquapendente il se peut apporter vne infinité d'ex-



ples qui luy peuuent seruir. Et mesmes nous luy en pourriõs fournir de tous recens, cõme ayans veu dans Paris des femmes de grãde qualitè qui ont accouchè à huit & six mois, & ont portè six jours l'arriere faix tout entier dans la matrice, & en fin l'ont renduë par l'aide de Dieu & des bons remedes que nous leur auons donnè & sont encores en vie & en bonne santè Dieu mercy. Et d'autres femmes de moindre condition qui se sont blessées à 4. & à 5. mois, & ont fait leurs enfans morts & portè leur arrierefaix 15. jours & trois sepmaines toutes entieres sans mourir & se portent encores bien Dieu mercy, & depuis ont fait de beaux enfans: Mais aussi on n'a rien oubliè de ce qui leur estoit necessaire pour les remettre en santè. Car si on l'eust fait il ny a point de doute que la gangrene les auroit tuées. De dire que MADAME dans le quatrième jour vuida certaines petites membranes deliées & amener l'histoire d'Hippocrates touchant la fème d'un Courroyeur, c'est fort peu de chose: Car dās ceste ville de Paris, s'est veu à des femmes estre accouchées en peu de temps & heureusemèt, que la sage femme adroiète & experimentée ayant tirè le placenta ou masse de chair, qui est l'arrierefaix, tout entier) le Choriõ & Amnios, qui sõt les mēbranes qui enueloppent l'enfant demeurer au fonds de la matrice sans qu'on les peut ti-

rer, & neantmoins la malade les vuidier d'elle  
mesme dās le septiesme jour sans mourir ny en-  
courir aucun grand danger, pour ce qu'elles ont  
esté assistées & traictées par des Medecins &  
Chirurgiens bien entendus & à point nommé.  
La raison pourquoy ces fēmes ont porté si lōg  
temps vn arrierefaix ou vne membrane qui sont  
choses estranges & qui dans 2. jours s'alterent &  
pourrissent dās la matrice & ne sont point mor-  
tes. Et d'autres femmes pour la mesme cause sōt  
mortes dans moins de trois ou quatre jours. Ce-  
ste raison est que les premieres ont esté assistées  
de sages femmes bien adroictes & point estour-  
dies, & qui ont esté soigneuses de faire bien leur  
devoir, qui n'ont point fait faire de grāds efforts  
à contretemps à leurs acouchées, & ne les ont  
point pressées & tourmentées pour auoir l'ar-  
rierefaix, mais ont fait toutes les choses en tēps  
& lieu, ont aydé doucemēt à la nature & ne l'ont  
point violentée ny contrainte. Car aux femmes  
ainsi assistées il n'arriue iamais de mauuais acci-  
dents, ou c'est fort rarement. Pour les dernieres  
nous pouuons dire qu'il y a eu du mauuais me-  
nage, & que la femme qui les a deu assister a esté  
presōptueuse, ignorante & brutale. Quelle a fait  
ses efforts mal à propos & à contretemps tant  
pour tirer l'enfant que pour tirer l'arrierefaix à  
faute d'auoir demandé & suiuy l'aduis des per-

sonnes experimentées, & d'auoir consideré la peine insupportable à leurs malades & les mortels accidents qui arriuent aux personnes lors qu'on violente leur nature. Car si la femme qu'on prend pour ayder aux enfante-  
 mens, n'estoit du tout brutale & cruelle, elle cōsidereroit que quand vne femme est tourmentée, violente & pressée trop rudement, tant en son enfante-  
 ment qu'en tirant l'arrierefaix. On void arriuer ebullition de sang par tout le corps, conuulsion, & de la conuulsion, l'Apoplexie, & de l'Apoplexie, pour le plus souuent la mort; ou si la malade en eschappe elle est fort long temps transie & languissante, avec fiéures de tres-difficile guarison. Les efforts trop violents que telle femme fait à l'accouchée au temps de son enfante-  
 ment causent de grands maux, & tels que bien souuēt la matrice se trouue tellemēt meurtrie que la gangrene si met & tuë la pauvre accouchée. Mais les efforts qu'on fait pour arracher l'arrierefaix de la matrice sont aussi dangereux que ceux-la. Car si l'on fait mettre l'accouchée à genoux, les doigts dans la bouche, & qu'on luy face des efforts sans consideration, la poitrine & l'estomac en sont fort violentez à cause de quoy il arriue grande perte de sang, remuersement de matrice & bien souuēt la mort soudaine. Les Medecins & Chirurgiens experimentez

ont veu ce que ie dis & le peuuent tesmoigner, que si l'accouchée ne meurt de ces efforts & grands tourmens elle en demeure incommodée de descēte de boyau en l'aisne, d'Eexōphalos au nombril, ou descēte de matrice, qui les contraint de porter vn Pessaire route leur vie. Il y en a dans Paris vn grand nombre qui sont ainsi incommodées, & le tout par la violence des grands efforts qu'on leur a fait mal à propos & à faute de patience & bonne conduite. C'est chose veritable que tous les susdits accidēt arriuent par l'imprudēce & brutalité des femmes que lon nomme sages & ne le sont point.

Mais vous demandez d'ou est venu ce grand & trop funeste accidēt à feu Madame. L'on peut dire que Galien dit que la generation des maladies se prend de l'indispositiō des corps; & donne vne exēple d'vne piqueure qui arriuera à vn corps cacochyme ou de mauuaise habitude, il arriuera au patient, dit-il, douleurs, inflāmations, conuulsions & gangrene de tres-difficile guerison, & s'il arriue vne grāde blessēre à vn corps bien temperé, elle sera guerie en peu de jours & sans beaucoup de difficulté. Et c'est là dessus que madame Bourcier se fonde lors qu'elle s'efforce de prouuer que feu Madame estoit mal saine & fort delicate de son naturel, & que la fiēre continuē, & la toux dont ceste bōne Princeesse estoit  
 affligée

affligée lors du travail de son enfantement. Ont  
causé tous les rigoureux tourments qu'elle a  
soufferts jusques à son trespas deplorable. Mais  
tout cecy ne luy peut de rien servir sur cet acci-  
dent. Car il ny a personne bien entenduë en la  
tèperature des corps humains qui ait veu la bel-  
le couleur que ceste excellente Princesse a eue  
depuis le jour de sa naissance jusques au iour de  
son enfantement & la disposition de laquelle  
Dieu l'auoit doiée qui estoit des plus agiles aus-  
si bien du corps que de l'esprit, il ny a personne  
di-je, qui ait eu cest honneur-la qui ne die &  
maintienne que ceste Auguste Princesse estoit  
douée du meilleur temperament du monde:  
Et de fait elle a esté aussi saine & aussi robuste  
qu'une femme le peut estre jusques à quatre ou  
cinq jours proche de son enfantement, & mar-  
choit aussi gayement que si elle n'eust point  
esté grosse. C'est donques en vain que ceste  
femme tasche de prouuer que le corps de ce-  
ste debonnaire Princesse estoit de mauuaise  
tèperature & que cela luy a causé la mort. Car  
le raport de Messieurs les Medecins & de tout  
le monde qui a eu l'honneur de sa presence en  
tesmoigne le cōtraire, de referer qu'en sa gros-  
sesse & proche de son enfantement elle a eu la  
toux & la fièvre: Cela ne sert pas de beaucoup.  
Car on peut sçauoir que dans le faux-bourg

sainct Germain de ceste ville, il y a eu deux  
 Comtesses grosses du mesme temps que ceste  
 Princesse : & l'une grosse de son premier enfât,  
 lesquelles durant tous les 9. mois de leur gros-  
 sesse ont esté affligées d'un nombre presque  
 infiny de douleurs, & mesme de la Toux, de la  
 Colique, de saignement de nez, de fièvre, & de  
 flux de ventre, mais si tourmentées qu'elles ne  
 pouuoient demeurer au lict & estoient con-  
 traintes bien souuent de se leuer & se coucher  
 tantost sur vn matelas, & tantost contre terre.  
 Et neármoins elles sont accouchees sans qu'il  
 leur soit suruenü aucun accident ny douleur  
 en la region Hypogastrique, & tant d'autres  
 pauures femmes qui n'ont pas le moyen de se  
 faire traicter & assister, enfantent heureusemēt  
 estans assistees & non forcees & violentees par  
 les sages femmes qui ont la charité & la dis-  
 cretion qu'il faut & s'en seruēt en temps & lieu  
 aussi bien pour le secours des plus pauures que  
 pour celuy des plus riches. Reuenōs au raport  
 de Messieurs les Medecins. Ils disent que la  
 matrice de feu Madame nageoit dans vne ma-  
 tiere sanieuse, enfermee dans l'Hypogastre,  
 qu'elle estoit gangrenee depuis la partie ex-  
 terne iusques au fond, specialement du costé  
 gauche, & la partie assise sur le Rectum, & qu'au  
 costé droit du fond s'est trouué vne petite por-

tiõ de l'arrierefaix tellement attachée à la matrice, qu'on n'a peu la separer sans peine avec les doigts. A cela Madame Bourcier respond que si cela estoit il falloit de necessité que le costé droict du fond de la matrice, où estoit attachée ceste portion del'arriere faix, fut aussi gangrenée plus apparément que le costé gauche. Dict aussi que la cause de la mort de ceste Princesse a esté l'inflammation de tous les Visceres du ventre inferieur. Surquoy ie dy qu'il faut que la gangrene que Messieurs les Medecins & Chirurgiens ont trouuée, soit venue ou d'auoir laissé ceste petite portion de l'arrierefaix, ou d'auoir comprimé trop fort avec les mains rudes la matrice pour faire sortir l'arrierefaix, ou encore de la mesme rudesse & effort de la mesme main en l'accouchement, ou par le bádage trop serré, puis que la matrice estoit gangrenée du costé gauche en la partie exterieure communiquant jusques au dedans, & tout le long du gros boyau. De façon qu'encores que j'accorde à Madame Bourcier que la cause de la mort de Madame, s'est prise à l'inflammation de tous les visceres du ventre inferieur, cela ne fera rien pour la deffence.

Mais venons au point & à la conclusion. Madame Bourcier dict que Madame accoucha fort doucement. Vn premier enfant ne

fort pas sans faire vn grand estonnement à la nature, principalement à elle qui estoit d'une habitude delicate, pleine de courage & resolution. Fust depuis quatre heures du matin iusques à dix malade, à la fin elle fit des efforts assez puissants, & c'est là où ladite Bourcier deuoit prendre garde à cause de la Toux, du Poulmon, & de la Fievre continuë qu'elle dit que MADAME auoit, ce n'estoit pastout de dire courage MADAME, il falloit bien obseruer le temps, l'assister à propos & sans violence. MADAME estant deliurée de son enfant: Pour auoir l'arrière-faix, la bonne Dame fut trois quarts d'heure à pouffer: Mais la difficulté fut fort grande pour l'auoir, on luy fit aualer des œufs frais, mettre lès doigts dans la bouche & faire beaucoup de grands efforts, l'a traictant aussi rudement qu'on scauroit traicter la femme d'un pauvre laboureur, on luy pressa le ventre & la matrice, sans considerer ce qui pourroit arriuer apres tant d'efforts à vne Princesse tant delicate & si sensible de son naturel, il luy est arriué vne douleur au costé gauche, où la cōpression & contusion auoit esté plus grande, la debonnaire & dolente Princesse y portoit tousiours la main, elle monstrois son mal & disoit la douleur qu'elle sentoit: On ne laissoit point de bander & serrer tousiours plus fort son ven-



tre avec des compresses sans cōsiderer la douleur qu'elle souffroit. Et de plus on m'a dit que quelques iours apres vn certain apprentif passa encores fort rudemēt la main dans ceste partie gāgrenée pour tafcher de tirer les restes de l'arrierefaix: quoy qu'auparauant il eust asseuré qu'il estoit tout sorty. Si cela est, ie dy qu'on ne scauroit inuenter aucune sorte de plus mauuais traictement: aussi que s'en est-il ensuiuy? La fluxion s'est faiete, l'inflammation est suruenüe, Le bandage a ferré, comprimé, & tout ensemblement suffoqué la chaleur naturelle. De façon que la gangrene est venue exterieurement & interieurement. Mais il est à noter qu'elle n'est point venue à l'endroit où ce petit bout d'arrierefaix s'est trouué attaché. Mais au costé gauche où la douleur a esté tousiours permanente: & à faute que la garde n'a pas aduertiy les Medecins. en temps & lieu, ils n'ont peu y apporter le remede necessaire, de sorte que la gangrene s'est augmentée peu à peu & a causé la mort de ceste tres-bonne & tres-excellente Princesse dont la France regrettera eternellement la douceur & la charité dont Dieu l'auoit parfaictement doiée.

Voyla, Madame Bourcier, le discours que nous fit cest homme que vous auiez fait mort,

& qui sera toujours honoré de toutes les personnes de bon jugement qui le cognoistront. J'ay leu il y a quelque temps vn liure que vous auez faict, dans lequel vous faictes vn grand mespris de luy sans le bien cognoistre: Mais c'est si mal à propos qu'il n'est pas possible de plus. Il ne fait pas ainsi de vous, car il vous loue iusques au delà de vostre merite, & mesme conferue-t'il fort cherement vn de vos liures chez luy pour monstrier à toutes les sages femmes qui le viennent veoir les erreurs de vos leçons afin qu'elles se gardent d'y tomber, sçachans bien que la moindre des fautes que vos erreurs peuuent causer est assez grande pour desoler vne grande famille: & pleust à Dieu que nous n'en eussions jamais veues les effects que nous en voyons: Cest homme n'est pas le seul qui a cogneu vos erreurs: car tous les hommes doctes qui ont veu vostre liure & obserué vostre pratique les cognoissent & les rejettent, & seroit tres-bon & tres-vtile que iamais la France n'en eut ressenty les effects comme elle les ressent.

de celle des-  
celle dont la France  
la douceur & la charité dont Dieu  
faictement d'office.  
Vostre Madame Boucier, le ditteur que  
nostre ch. homme que vous sçavez

A P A R I S,  
Chez IULIAN IACQVIN, aubas des degrés de  
la Sainte Chappelle, en la Court du Pallais.


---


M. D C. XXVII.  
*Avec Permission.*


A P A R I S,  
Chez IAN JACQUIN, au passage de  
la Sainte Chapelle, en la Cour du Palais.


M. D. C. XXVII.  
chez l'Imprimeur

463





























R389  
1627

